



**Inatsisartut**

*Aningaasaqarnermut Ataatsimiititaliaq  
Finansudvalget*

Ulloq/Dato: 13. juli 2010  
J.nr.: 01.31.06/10-  
00484

## **Aningaasaqarnermut Naalackersuisoq**

### **Aningaasaqarnermut ataatsimiititaliap ulloq 13. juli 2010 aalajangiinera pillugu Naalackersuisunut ilisimatitsissut- Suliaq nr. 01.31.06/10-00484**

#### **Nunaqarfinni atugassatut sillimmatinit aningaasaliissutinik piviusunnngortitsineq (Nunaqarfinnut pilersaarut)**

Naalackersuisut *inassutigaa*,

- konto pingaarnermi aningaasaliissutit 20.11.72-imi *Illoqarfiiit nunaqarfilla ilaanni immikkut ittumik suliniutissatut sillimmatit* 1.000.000 kr-nik appartinneqassasut,
- konto pingaarnermi aningaasaliissutit 64.01.01-imi *Inuussutissarsiornermut Suliffeqarnermullu Naalackersuisoqarfik, allaffissorneq* 1.000.000 kr-nik qaffanneqassasut.

#### **Aningaasaqarnermut ataatsimiititaliap oqaaseqaatai**

Naalackersuisunit paasissutissiinerunissap utaqqinissaa siunertaralugu ulloq 1. juli 2010 Aningaasaqarnermut ataatsimiititaliap aalajangiinissani kinguartippaa.

Naalackersuisut ilaatigut ima paasissutissiippat:

*Naalackersuisut kalerriussinnaavaat, naalackersuisunit qangali kissaatigineqarmat, nunap ilaanut iliuisissatut sulianut misissueqqaarneq nunaqarfinnut aningaasanit sillimmatitut immikkoortinneqartunit aningaasalersorneqassasoq.*

*2009-mi misissueqqaarneq aallarnisarneqarpoq 2009-milu atortussanik katersinermut akiligassat allagartaannut tunngatillugu naalackersuisoqarfiup allaffissornikkut ingerlatsinermut kontoata naatsorsuutaanut allanneqarpoq.*

*Naalackersuisut 2010 pillugu aningaasartuutissat takkussortussat akilerneqarnissaannut nunaqarfinnut sillimmatinit toqqaannartumik nalunaarutinut attuumassuserlugit akilernissaat qinersimasinnaagaluarpaat kisianni aningaasartuut tamakkununnga tunngasunut toqqaannartumik naatsorsuutinut allannissaanik kissaateqarlutik misissuinermut akisussaasuummat. Aammattaarlu tamanna periaatsit nalinginnaasut eqqarsaatigalugit isigineqassasoq tassa aningaasartuutit aningaasanut inatsisip sillimmatitut kontoanit toqqaannartumik akilerneqassanngitsut.*

*Taamaasillutik Naalackersuisut kissaatigisimavaat qinnuteqaatikku piumasarineqartumik*

*inissinissaq, taamaasilluni 2010-mut aningaasartuutissaq naalackersuisoqarfiup allaffissornikkut ingerlatsinermut kontoanit akilerneqassasoq.”*

Tamanna tunuliaqutaralugu inassuteqaatit Ataatsimiititaliap akuerisinnaavai.

**Aningaasaqarnermut ataatsimiititaliap aalajangiinera**

Naalackersuisunit inassutigineqartut Aningaasaqarnermut ataatsimiititaliap **akuerivai**.

Aningaasaqarnermut ataatsimiititaliaq  
sinnerlugu

Naaja Nathanielsen  
Aningaasaqarnermut ataatsimiititaliami siulittaasoq